





	X	F	M	A	M	X	XI	A	S	O	N	D
<b>Traslados</b>												
Zonas:												
Especies:												
	X	F	M	A	M	X	XI	A	S	O	N	D
<b>Rareos</b>												
Zonas:												
Especies:												
	X	F	M	A	M	X	XI	A	S	O	N	D
<b>Limpezas</b>												
Zonas:												

**Outras consideracións <sup>(9)</sup>**

Non se acepta a ampliación de participante baseada na necesidade de contar con maior número de persoas para desenvolver a técnica de mergullo con subministro de aire dende superficie polos seguintes motivos:

1. Este plan sempre estivo aprobado con esta modalidade de traballo.
2. A produción de ourizo diminuíu dende o ano 2005, dende 50.000 kg ata 14.196 (ano 2007). No ano 2008 levan extraído 11.669 kg, aínda que faltan os derradeiros meses do ano que é onde se centra a explotación, sen embargo a tendencia descendente ponse de manifesto nos 4 primeiros meses do ano. A evolución á baixa prodúcese a pesares de haber reducido o tope de captura a 70 kg/tripulante/día.

Con respecto aos participantes non se inclúe a embarcación que segundo o Censo da Flote Pesqueira Operativa estaría de alta definitiva (en data 11.11.2008), aínda que aportada como baixa para unha nova construción. No listado figura a embarcación , que supoñemos pode ser a nova construción, sen embargo non existe na actualidade petición de traslado do permiso de explotación da embarcación mencionada. Polo tanto, á embarcación que pode incluírse no plan é , mentres non solicite o traslado do permiso de embarcación.

De acordo co artigo 3º da Orde de 26 de outubro de 2004 pola que se regula a alternancia de artes para embarcacións que faenan en augas da Comunidade Autónoma de Galicia, *poderanse trasladar as modalidades de extracción de recursos específicos sempre que se manteña a embarcación no plan de explotación, e se acrediten reunir os requisitos de profesionalidade necesarios para poder ser autorizado.*

Con respecto ao ámbito do plan, exclúese a zona de Negreiriñas-Meloxo, que pertence por acordo entre entidades á confraría de Cambados, polo que se quixeran explotar esta zona necesitarían de autorización expresa desta confraría.

Os topes de captura, mantéñense en 70 kg/mergullador/día tendo en conta a CPUE dos últimos anos (60,05kg no ano 2006 e 57,22kg no ano 2007 e 65,56 kg no ano 2008)

Para mellorar a xestión dos bancos e evitar situacións de sobrepesca é necesario realizar un control do esforzo pesqueiro, das capturas, e das tallas. Polo tanto, os datos da explotación necesarios para o seguimento do banco deberán ser remitidos regularmente á Delegación



correspondente, de xeito que coa solicitude de apertura mensual os técnicos deberán ter recibido os datos do mes anterior.

De conformidade co establecido no artigo 126 do Decreto 424/1993, do 17 de decembro, polo que se aproba o regulamento da actividade pesqueira e das artes e aparellos de pesca permisibles en Galicia, a captura de ourizo poderá realizarse “tódolos días laborables, agás sábados e vésperas de festivos, en horario abranguido entre as 9:00 e 15: 00 horas”. Por outra banda e con respecto ao uso do angazo como arte a empregar, lémbrese que de acordo artigo 127 do Decreto mencionado *as artes autorizadas para a extracción de ourizo serán o trueiro e a forquita*

Non se aceptan as condicións para a renovación dos permisos de explotación (apartado 2.4) por non estar contempladas na normativa vixente sobre a explotación de recursos específicos, nin sobre os permiso de explotación de ditos recursos; ademais debería acreditarse a aprobación do plan polo colectivo de mergulladores, os cales son un sector bastante estable en canto aos participantes e apesares de non existir agrupación legalmente constituída. O plan de explotación, ferramenta fundamental da xestión dos recursos marisqueiros, só será efectivo se o sector está implicado na súa elaboración e aprobación, en caso contrario ademais de dar lugar a desencontros entre as partes, perde validez como formula de xestión.

En relación coa posibilidade contemplada no plan de expulsión dos mariscadores que non cumpran as normas do plan, deberá terse en conta o seguinte:

1. Para explotar os recursos específicos é necesario estar nun plan de explotación polo que é responsabilidade das confrarías o censo de participantes.
2. Non está acreditada a aprobación do plan polo colectivo de mergulladores, que son os directamente interesados na planificación da explotación do recurso.
3. Calquera privación do dereito de exercer a actividade marisqueira por parte dunha confraría a través dun procedemento sancionador, que supoña a exclusión parcial ou total dun plan de explotación no que o mariscador estaba incluído, non está contemplada na normativa que regula a explotación de moluscos nin o permiso de explotación.
4. A persoa afectada, ante unha sanción do tipo contemplado no plan, poderá recorrer á vía xudicial, xa que a tutela que exerce a administración sobre as confrarías non inclúe o réxime sancionador (artigo 3º do Decreto 261/2002, de 30 de xullo, polo que se aproban as normas reguladoras das confrarías de pescadores e as súas federacións).

O informe da actividade de mergullo de data 26.11.2008 é favorable para o mergullo con subministro de aire dende superficie sempre que dito plan sexa aprobado á efectos de seguridade polo autoridade marítima correspondente. Na relación de mergulladores exceptúase a que ten a titulación caducada (10.11.2008) e a . O tempo de traballo diario será dun máximo de 5 horas/día se a profundidade de inmersión e inferior a 10 m.

Recoméndase para a mellora do plan:

- Aprobación do plan en asemblea do colectivo de mergulladores.
- Detallar a organización do punto de control.
- Presentación de plan financeiro.

De acordo coa Circular de 6.10.2008 da Dirección Xeral de Recursos Mariños pola que se ditan as instrucións para a presentación dos plans de explotación para o ano 2009, deberán presentar as coordenadas cartográficas das zonas de traballo.



- 
- (1): Denominación que identifique claramente o plan. Exemplo: plan de cadelucha, plan de moluscos bivalvos, plan conxunto das confrarías de...,
- (2): Indicar: autorización ou zonas de libre marisqueo
- (3): Indicar: a pé, dende embarcación, mergullo en apnea, con subministro de aire
- (4): Indicar en **negrita** o que corresponda
- (5): Indicar o número de días para cada mes. Exemplo: 5, 10, 15...
- (6): Especificar: Kg/mariscadora/día, kg/tripulante/día, kg/mergullador/día, kg/embarcación/día,....
- (7): A autorización para o desenvolvemento destas accións queda supeditada á obtención dos correspondentes permisos
- (8): Marcar un X no recadro do mes correspondente
- (9): Este apartado corresponderalle cubriilo á administración
-